

Broj: 07-14-160-22-2/2015-1-13
Sarajevo, 10.09.2015. godine

Na osnovu člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 07-14-160-22-2/2015 od 18.06.2015.godine, sekretar Vlade Federacije Bosne i Hercegovine, **donosi**

ODLUKU
o izboru najpovoljnijeg ponuđača
za nabavku kompjuterske opreme i kancelarijskih mašina

Član 1.

U cilju odabira najpovoljnijeg ponuđača, u provedenom postupku javne nabavke konkurentski zahtjev za dostavu ponuda za nabavku kompjuterske opreme i kancelarijskih mašina za potrebe Generalnog sekretarijata Vlade Federacije Bosne i Hercegovine, evidencijski broj nabavke: 07-14-160-22-2/2015-1 od 19.08.2015. godine, broj obavještenja o nabavci sa portala javnih nabavki: 854-7-1-75-3-3/15, kao najbolje ocijenjene prihvatljive ponude su:

- za **LOT 1** – nabavka kompjuterske opreme - ponuda ponuđača **ALF-OM d.o.o. Banja Luka** sa ukupnom cijenom ponude bez PDV-a u iznosu od **8.587,70 KM**;
- za **LOT 2** – nabavka kancelarijskih mašina - ponuda ponuđača **R&S d.o.o. Vogošća** sa ukupnom cijenom ponude bez PDV-a u iznosu od **1.498,00 KM**.

Član 2.

Ponuđači iz člana 1. ove odluke ocijenjeni su kao najpovoljniji, jer ispunjavaju uslove postavljene tenderskom dokumentacijom, a u skladu sa kriterijem za dodjelu ugovora (najniža cijena), ponudili su najniže cijene.

Član 3.

Prijedlog okvirnog sporazuma dostaviti će se na potpis izabranim ponuđačima u roku od 10 (deset) dana, računajući od dana kada svi ponuđači, koji su učestvovali u predmetnom postupku nabavke, budu obaviješteni o izboru najpovoljnijeg ponuđača.

Izabrani ponuđači dužni su dostaviti dokaze o kvalificiranosti, u roku od 5 (pet) dana nakon što budu obaviješteni od strane ugovornog organa o rezultatima postupka nabavke, a prema tački 13.2. tenderske dokumentacije.

Član 4.

Za realizaciju ove odluke zadužuje se Sektor za pravne i opće poslove i Sektor za materijalno finansijske poslove.

Član 5.

Odluka stupa na snagu danom donošenja i objavit će se na web stranici Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 07-14-160-4/2015 od 05.05.2015. godine. Javna nabavka provedena je putem konkurentskog zahtjeva za dostavu ponuda. Predviđeno je zaključivanje okvirnog sporazuma sa jednim ponuđačem posebno za svaki lot, na period od 12 mjeseci. Procijenjena vrijednost nabavke iznosi 14.400,00 KM bez PDV-a, a predmet nabavke podijeljen je na dva (2) LOT-a. Procijenjena vrijednost nabavke bez PDV-a za LOT 1 iznosi 12.400,00 KM a za LOT 2 iznosi 2.000,00 KM. Predmetna nabavka predviđena je Planom javnih nabavki za 2015. godinu, pod rednim brojem 3. robe – nabavka kompjuterske opreme i kancelarijskih mašina, broj: 07-14-160/2015 od 17.04.2015. godine. Obavijest o nabavci, broj: 854-7-1-75-3-3/15 poslana je na objavu 19.08.2015. godine, te je istog dana objavljena na portalu Javnih nabavki.

Tendersku dokumentaciju preuzelo je 9 privrednih subjekata, od čega je 7 ponuđača blagovremeno dostavilo ponude u predmetnom postupku nabavke. Ponuda ponuđača „Exclusive“ d.o.o. Zenica stigla je neblagovremeno, te je ista odmah vraćena privrednom subjektu neotvorena. Ponude u predmetnom postupku nabavke dostavili su sljedeći ponuđači:

- za LOT 1 - „ALF-OM“ d.o.o. Banja Luka, „R&S“ d.o.o. Vogošća, „PRIMAPROM“ d.o.o. Banja Luka, „PRINTEX“ d.o.o. Sarajevo, „GODIMERC“ d.o.o. Sarajevo, „IMTEC“ d.o.o. Sarajevo;
- za LOT 2 – „R&S“ d.o.o. Vogošća, „PRIMAPROM“ d.o.o. Banja Luka, „FRANEX-TRADE“ d.o.o. Sarajevo, „IMTEC“ d.o.o. Sarajevo.

Komisija za javne nabavke, imenovana Rješenjem, broj: 07-14-160-22-2/2015 od 18.06.2015.godine, izvršila je pregled i ocjenu ponuda, te konstatovala da:

- od dostavljenih šest ponuda za LOT 1, pet ponuda u konačnoj odluci ocijenjene su kao prihvatljive i to: - „ALF-OM“ d.o.o. Banja Luka, „R&S“ d.o.o. Vogošća, „PRINTEX“ d.o.o. Sarajevo, „GODIMERC“ d.o.o. Sarajevo, „IMTEC“ d.o.o. Sarajevo.

Ponuda ponuđača „Primaprom“ d.o.o. Banja Luka odbačena je iz sljedećih razloga:

u tački 3.1.3. Tenderske dokumentacije, Ekonomska i finansijska sposobnost, kao minimalan uslov koji ponuđač treba da ispunjava, u skladu sa članom 47. ZJN-a, navodi se solventnost ponuđača. U tom smislu je zahtjevano da ponuđač dostavi **Potvrdu poslovne banke o solventnosti ponuđača**, odnosno da u zadnjih 12 (dvanaest) mjeseci, računajući period do datuma objavljivanja Obavještenja o nabavci, transakcijski račun ponuđača nije bio blokiran. Ponuđač PRIMAPROM d.o.o. Banja Luka je u tu svrhu dostavio Potvrdu o solventnosti klijenta izdatu od strane ProCredit Bank d.d. Sarajevo, broj: BL-I-240/15 od 27.08.2015. godine, kojom se potvrđuje da PRIMAPROM d.o.o. nema evidentiranih podnešenih naloga za plaćanje na ime dospjelih, a neizmirenih obaveza, te da nije bio blokiran u prethodnih **6 mjeseci**. U Tenderskoj dokumentaciji, tačka 14. Aneksi, navodi se da svi Aneksi osim Aneksa 1 trebaju biti sastavni dio ponude. S tim u vezi se u Aneksu 8 - Obrazac Izjave o podugovaranju od ponuđača tražilo da zaokruže jednu od ponuđenih opcija koje se odnose na podugovaranje odnosno da je ponuđač obavezan u datom Obrascu izjave zaokružiti jednu od ponuđenih opcija koje se odnose na podugovaranje. Ponuđač „PRIMAPROM“ d.o.o. nije zaokružio ni jednu od ponuđenih opcija, pa samim time i nije moguće zaključiti da li isti ima namjeru podugovaranja ili ne.

- od dostavljene četiri ponude za LOT 2, jedna ponuda u konačnoj odluci ocijenjena je kao prihvatljiva i to ponuda ponuđača "R&S" d.o.o. Vogošća.
Ponude ponuđača: "PRIMAPROM" d.o.o. Banja Luka, "FRANEX-TRADE" d.o.o. Sarajevo i "IMTEC" d.o.o. Sarajevo odbačene su kao neprihvatljive iz sljedećih razloga:
- **PRIMAPROM d.o.o. Banja Luka** – u Aneksu 2 - Obrazac za ponudu, tačka 3. Izjave ponuđača, navedeno je da se obavezno treba popuniti dio koji se odnosi na Cijenu ponude, što ponuđač nije uradio. U tački 3.1.3. Tenderske dokumentacije, Ekonomska i finansijska sposobnost, kao minimalan uslov koji ponuđač treba da ispunjava, u skladu sa članom 47. ZJN-a, navodi se solventnost ponuđača. U tom smislu je zahtjevano da ponuđač dostavi **Potvrdu poslovne banke o solventnosti ponuđača**, odnosno da u zadnjih 12 (dvanaest) mjeseci, računajući period do datuma objavljivanja Obavještenja o nabavci, transakcijski račun ponuđača nije bio blokiran. Ponuđač PRIMAPROM d.o.o. Banja Luka je u tu svrhu dostavio Potvrdu o solventnosti klijenta izdatu od strane ProCredit Bank d.d. Sarajevo, broj: BL-I-240/15 od 27.08.2015. godine, kojom se potvrđuje da PRIMAPROM d.o.o. nema evidentiranih podnešenih naloga za plaćanje na ime dospjelih, a neizmirenih obaveza, te da nije bio blokiran u prethodnih **6 mjeseci**. U TD-i, tačka 14. Aneksi, navodi se da svi Aneksi osim Aneksa 1 trebaju biti sastavni dio ponude. S tim u vezi se u Aneksu 8 - Obrazac Izjave o podugovaranju od ponuđača tražilo da zaokruže jednu od ponuđenih opcija koje se odnose na podugovaranje. Ponuđač PRIMAPROM d.o.o. nije zaokružio ni jednu od ponuđenih opcija pa samim time i nije moguće zaključiti da li isti ima namjeru podugovaranja ili ne.
- **FRANEX TRADE d.o.o. Sarajevo** - u TD-i, tačka 14. Aneksi, navodi se da svi Aneksi osim Aneksa 1 trebaju biti sastavni dio ponude. Međutim, ponuda ponuđača FRANEX TRADE d.o.o. Sarajevo ne sadrži Aneks 2 - Obrazac za ponudu. Također se u tački 3.1.3. TD-e, u okviru minimalnih uslova za dokazivanje ekonomske i finansijske sposobnosti zahtjevala **Potvrda poslovne banke o solventnosti ponuđača**, odnosno da u zadnjih 12 (dvanaest) mjeseci, računajući period do datuma objavljivanja Obavještenja o nabavci, transakcijski račun ponuđača nije bio blokiran. Ponuđač je u svojoj ponudi dostavio Potvrdu izdatu od strane Raiffeisen bank, Glavna Filijala Sarajevo, Filijala Novo Sarajevo, broj: 02536/15 od 03.08.2015. godine, kojom se potvrđuje da FRANEX TRADE d.o.o. Sarajevo, u periodu od 31.01.2015. godine do 31.07.2015. godine nije bio blokiran niti je imao zabranu raspolaganja sredstvima na transakcijskom računu. Period koji se navodi u potvrdi ne odgovara traženom od 12 (dvanaest) mjeseci.
- **IMTEC d.o.o. Sarajevo** – sastavni dio ponude koju ponuđači dostavljaju treba da budu svi Aneksi osim Aneksa 1 iz TD-e. Ponuđač IMTEC d.o.o. **Sarajevo nije dostavio popunjen Obrazac za ponudu – Aneks 2.**
- Obrazac za ponudu i obrazac za cijenu ponude popunjavaju se posebno za svaki lot.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 07-14-160-22-2/2015-1-12 od 08.09.2015. godine i Preporuku o izboru najpovoljnijih ponuđača i to:

- **ponuđač „ALF-OM“ d.o.o. Banja Luka za LOT 1 – nabavka kompjuterske opreme**, sa registriranim sjedištem u ul. Mladena Stojanovića od br. 43-45, Banja Luka, ID: 4400810890005 i
- **ponuđač R&S d.o.o. Vogošća za LOT 2 – nabavka kancelarijskih mašina**, sa registriranim sjedištem u ul. Igmanska bb, Vogošća, ID: 4200056290005.

U postupku donošenja ove odluke, posebno su cijanjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđači odabrani su primjenjujući kriterij „najniže cijene“.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove Odluke.

Dostaviti:

1. Svim ponuđačima u postupku
2. Komisiji za nabavke
3. a/a



SEKRETAR VLADE

Edita Kalajdžić
mr.sc. Edita Kalajdžić